

Globalni forum za poljoprivredu i hranu

Prvi nacrt komunikea

2021.

Kako nahraniti svijet u dobu pandemije i klimatskih promjena?

Preambula

1 Mi, ministri poljoprivrede iz () država, okupili smo se u virtualnom formatu datuma
2 22.01.2021. godine na 13. berlinskoj konferenciji ministara poljoprivrede povodom
3 održavanja Globalnog foruma za hranu i poljoprivredu (GFFA). Zabrinuti smo zbog gladi
4 koja u svijetu raste od 2014. godine, uslijed čega je skoro 690 miliona ljudi gladno, prema
5 procjenama prije pandemije, i zbog činjenice da oko 2 milijarde ljudi na svijetu nema redovit
6 pristup adekvatnoj ishrani, dok 3 milijarde ne može priuštiti ni najjeftiniju zdravu prehranu;
7 istovremeno, bolesti koje se vežu uz ishranu i pretilost također su u porastu.

8 Prepoznavamo da se ova situacija dodatno pogoršava uslijed brojnih izazova poput
9 siromaštva, većih nejednakosti, oružanih sukoba, ekonomskih padova, crpljenja prirodnih
10 resursa i gubitka biološke raznolikosti. Na ovogodišnjem Forumu usmjerit ćemo se na
11 globalne izazove pandemije COVID-19 i klimatskih promjena.

12 Usprkos pandemiji COVID-19, opskrba prehrambenim proizvodima na globalnom nivou i
13 međunarodna tržišta bila su relativno stabilna. No ipak, naši prehrambeni sistemi puni su
14 jazova koji nam onemogućuju dostizanje ciljeva održivog razvoja, posebno drugog cilja
15 održivog razvoja (nula gladnih). Zbog ekonomskih posljedica pandemije, uz nezaposlenost i
16 gubitak prihoda, kronična glad predstavlja prijetnju za još dodatnih 150 miliona ljudi.

17 Generalni sekretar UN-a Antonio Guterres upozorava na globalno izvanredno stanje zbog
18 gladi, kao jedne od posljedice pandemije, pozivajući globalnu zajednicu da uloži veće napore
19 na poboljšanju prehrambenih sistema. Istovremeno, klimatske promjene i dalje su globalni
20 izazov od najveće važnosti.

21 S ovim na umu, ističemo potrebu višesektorske multilateralne saradnje i solidarnosti kako bi
22 umanjili učinak pandemije na sigurnost hrane i ishranu, spriječili buduće pandemije te ublažili
23 i prilagodili se na klimatske promjene kroz sljedeće zajedničko djelovanje:

Poziv na djelovanje

1. Odgovor na pandemiju COVID-19

24 Izražavamo duboko žaljenje zbog gubitaka ljudskih života i patnje po zdravlje izazvano
25 pandemijom COVID-19 kao i zabrinutost zbog socio-ekonomskih i finansijskih posljedica
26 dok se zemlje bore da obuzdaju zdravstvenu krizu.

27 Izražavamo stalnu i veliku zahvalnost **poljoprivrednicima i radnicima** u lancu opskrbe
28 prehrambenim proizvodima, posebno za trud i rad od izbijanja pandemije kako bi osigurali
29 poljoprivredno-prehrambene proizvode. Podržat ćemo poljoprivrednike, posebno male
30 posjednike, kako bi održali aktivnosti i njihove prihode u vrijeme pandemije, podržali obnovu
31 nakon toga i doprinijeli povećanju njihove otpornosti.

Potpuno suzbijanje gladi

32 Obavezujemo se da ćemo poduzimati konkretne aktivnosti kako bi ispunili pravo na
33 adekvatnu ishranu u kontekstu osiguranja hrane unutar vlastitih država i održali globalnu
34 sigurnost hrane i prehrane. Potvrđujemo zalaganje za **program održivog razvoja do 2030.g.** i
35 ciljeve održivog razvoja, posebno drugog cilja (nula gladnih).

36 Zajednički se zalažemo za rješavanje problema sve veće **gladi** i sprječavanja izvanrednih
37 stanja vezanih za **hranu**. Nastavit ćemo podržavati međunarodne inicijative saradnje po
38 pitanju gladi u onim područjima koja su najpogođenija i najugroženija zbog klimatskih
39 promjena. Uvjereni smo da su za dugoročna rješenja potrebni sveobuhvatni pristupi
40 sistemima proizvodnje hrane i da održivi, otporni i inkluzivni sistemi proizvodnje hrane mogu
41 osloboditi svijet gladi i svakog oblika neuhranjenosti. Nastavljamo podržavati razvoj
42 naprednih metodologija kako bi procijenili prehrambene sisteme, uključujući i rješavanje
43 pitanja njihovih eksternalija i skrivenih troškova po društvo. Rezultati tih procjena, npr. UN
44 samit o prehrambenim sistemima, pomoći će nam da formuliramo politike kojima se postiže
45 održivost prehrambenih sistema.

46 Ističemo važnost **socijalno-sigurnosnih mreža** kako bi pomogli siromašnijim, osjetljivijim i
47 ugroženim populacijama da imaju pristup adekvatnoj ishrani. Zdravi školski obroci imaju
48 posebno važnu ulogu u tom pogledu za ishranu djece i omladine.

Držati tržišta otvorenim i djelatnim

49 Nastojat ćemo umanjiti rizike po sigurnost hrane uzrokovane mjerama borbe protiv pandemije
50 tako što ćemo držati **trgovinu i tržišta** otvorenima kao i **lance opskrbe hranom** i distribuciju
51 djelatnima. Slažemo se da hitne mjere u kontekstu pandemije moraju biti ciljane,
52 proporcionalne, transparentne i privremene, da se ne stvaraju nepotrebne barijere trgovini ili
53 ometaju globalni lanci opskrbe hranom te da su u skladu sa pravilima WTO-a. Nastojat ćemo
54 omogućiti lance opskrbe raznovrsnom hranom kako bi se pobrinuli za dovoljne količine hrane
55 u dobu krize te podržali druge da to isto ostvare. Suzdržavat ćemo se od svih mjera koje vode
56 do **štetnih oscilacija u cijenama hrane** na međunarodnim tržištima.

57 Posebno naglašavamo izuzetnu važnost **poljoprivredno-tržišnog informacijskog sistema**
58 (AMIS), kolektivne inicijative koju podržavaju vodeće međunarodne organizacije, kao
59 jedinstvenog instrumenta povećanja transparentnosti na tržištu hrane i političkog odgovora za
60 sigurnost hrane. Naglašavamo potrebu da se ojača i podrži AMIS.

Priznajemo važnost međunarodno usklađenih **standarda** kao jasne komunikacije i dobre saradnje između zemalja i aktera u cijelom lancu opskrbe, u razvoja poljoprivrednog sektora koji je otporan, održiv, odgovoran i prilagodljiv.

Naglašavamo potrebu da se nacionalne mjere **sigurnosti hrane** zasnivaju na međunarodnim standardima, smjernicama i preporukama te naglašavamo potrebu osposobljavanja za sprječavanje, upravljanje i obavješćavanje o izvanrednim situacijama vezano za sigurnost hrane kako bi osigurali zdravstvenu ispravnost hrane uz posebnu pažnju posvećenu ranjivim skupinama.

Nastojat ćemo osigurati prava, zdravlje, sigurnost, dobrobit, dostojanstvo i kretanje **radnika u poljoprivredi** i cjelokupnom lancu opskrbe hranom u skladu sa međunarodnim standardima i obavezama rada.

Naglašavamo važnost prikupljanja podataka i razmjene iskustava, **podataka, informacija, instrumenata i metoda analize** kako bi bolje shvatili razne učinke pandemije na sigurnost hrane, prehranu i prehrambene sisteme.

Ruralni razvoj

U ovim teškim okolnostima, moramo i dalje podržavati investicije u **ruralnim područjima i ruralnu infrastrukturu**, i kroz privatno-javno partnerstvo, istovremeno unapređujući održivo upravljanje prirodnim resursima. Također prepoznajemo važnost usmjerenih pristupa poljoprivredi i ruralnom razvoju u nepovoljnijim područjima i važnost jačanja značajnog učešća, posebno žena i omladine, u procesima odlučivanja vezano za poljoprivredno-prehrambeni razvoj.

2. Sprječavanje drugih pandemija

Prepoznajemo sve veći rizik od prekograničnih bolesti životinja i negativnog učinka koji imaju na sigurnost hrane i prehranu. Također prepoznajemo rizike od zoonoza po ljudsko zdravlje, održivi razvoj i privredu te potičemo aktere u svakom stadiju prehrambenih sistema da poduzimaju mjere prevencije.

Podrška pristupu *Jedno zdravlje*

Podržavamo **pristup *Jedno zdravlje*** u kojem se integriraju mjere zdravlja ljudi i životinja te njihovo međudjelovanje sa okolinom na lokalnom, nacionalnom, regionalnom i globalnom nivou kao najbolji način upravljanja i sprječavanja zoonoza te smanjenja rizika vezano za pandemiju i antimikrobijalnu otpornost.

U skladu sa pristupom *Jedno zdravlje*, podcrtavamo još jednom potrebu intenzivnijeg višesektorskog i višedisciplinarnog **dijaloga i rješavanja** kroz sve sektore – od zdravlja, poljoprivrede, veterinarstva i okoliša. Podržavamo mjere poboljšanja i proširenja trenutne saradnje na relaciji FAO-OIE-WHO kako bi ojačali kapacitete *Jednog zdravlja*, posebice informacijskih sistema FAO-OIE-WHO koji podržavaju npr. sistem ranog upozoravanja i transparentno izvješćavanje te istraživanje pojava bolesti životinja i zoonoza. Štoviše, podržavamo novija nastojanja da se produži tripartitni sporazum kako bi bolje rješavali okolišnu dimenziju *Jednog zdravlja*.

97 Naslanjat ćemo se na **strateški okvir** za smanjenje rizika od novih zoonoza primjenjujući
 98 mjere poput UNICEF-ovih, UNSIC-ovih (UN-ovih sistem koordinacije za gripu) i Svjetske
 99 banke kao odgovor na ptičju gripu (HPAI) kako bi uspostavili učinkovit sistem potpore za
 100 globalnu provedu pristupa *Jedno zdravlje* u cilju sprječavanja i povećanja pripravnosti na
 101 pojavu zoonoza.

Jačanje zdravlja životinja

102 Prepoznamo ključnu ulogu **stočarstva** u osiguranju hrane i prehrane te održivih uvjeta za
 103 život miliona ljudi diljem svijeta.

104 Trudit ćemo se da ojačamo **domaće veterinarske službe** i snažan sistem zdravlja životinja u
 105 skladu sa međunarodnim standardima OIE-a. U tom pogledu, zalagat ćemo se za globalnu
 106 solidarnost i razmjenu stručnih znanja kada je to potrebno.

107 Pozivamo na provedbu odgovarajućih **proizvodnih** metoda kojima ćemo garantirati sigurnost
 108 hrane i zdravlje životinja (npr. uzgoj, dobre stočarske prakse, higijena, biosigurnost i
 109 vakcinacija). Naglašavamo potrebu podržavanja malih posjednika u zemljama u razvoju
 110 olakšavajući im pristup ulaganjima, tehnologiji i osposobljavanju za dobre stočarske prakse,
 111 higijenu i biosigurnost.

112 Sa ovim metodama nastojimo ublažiti rizik od pojave i širenja **zoonoza** i drugih bolesti, od
 113 kojih neke zahtijevaju tretman antimikrobiticima. Također prepoznamo potrebu smanjenja
 114 i optimiziranja upotrebe antimikrobitika kod životinja koje proizvode/od kojih se proizvodi
 115 hrana. Naglašavamo potrebu izrade nacionalnih strategija i politika vezano za otpornost na
 116 antimikrobitike.

117 Ističemo potrebu za odgovarajućim **nacionalnim i međunarodnim odgovorom u slučaju**
 118 **kriza**. Priznajemo npr. OIE-ov put provođenja veterinarskih usluga i relevantnih aktivnosti
 119 FAO-a na ovom području.

120 Podržavamo procjenu učinaka **bolesti i programa za suzbijanje bolesti**, posebno na male
 121 stočare i cjelokupnu sigurnost hrane i prehranu.

122 Slažemo se da je **biosigurnost** jedan učinkovit način sprječavanja unošenja i širenja patogena.
 123 Stoga se zalažemo za bolju provedbu biosigurnosnih mjera, npr. osposobljavanjem duž lanca
 124 opskrbe hranom, poduzimajući odgovarajuće mjere npr. za regionalizaciju kako bi držali
 125 tržišta otvorenima i djelatnima.

Ublažavanje rizika po divljač

126 Podržavamo tekuće aktivnosti OIE i FAO-a vezano za ublažavanje rizika upravljanja
 127 zdravljem divljih životinja i trgovinom te rizika od novonastalih zoonoza. Zalažemo se za
 128 konkretne mjere poboljšanja upravljanja zdravljem divljači u skladu sa znanstvenim i
 129 međunarodnim preporukama. Obavezujemo se da ćemo ispunjavati međunarodne standarde i
 130 okončati neodgovorno i riskantno korištenje, ilegalnu trgovinu divljači i proizvoda od divljači,
 131 te pozabaviti se pojavama koje vode do gubitka prirode i degradacije ekosistema, a čime se
 132 povećava rizik od pojave i prenošenja takvih zoonoza.

3. Borba protiv klimatskih promjena

Uvjereni smo da **klimatske promjene** pogoršavaju dezertifikaciju, degradaciju zemljišta, nestašicu vode, gubitak genetskih resursa i bioraznolikosti, pojavu novih štetnika i bolesti te sve češće pojave ekstremnih vremenskih nepogoda. Ove pojave često vode do znatnih gubitaka usjeva i prinosa, negativno djeluju na količine i kvalitet vode, ugrožavaju opstanak miliona ljudi te pokreću procese raseljavanja iz ruralnih područja. Posljedice klimatskih promjena posebno pogađaju osjetljive zajednice u zemljama u razvoju. To može dovesti do povećanja tenzija i sukoba te ugroziti mir i stabilnost, a s tim i problema nestašice hrane.

Odgovornost prehrambenih sistema

Mi, kao ministri poljoprivrede, prepoznamo odgovornost poduzimanja **mjera protiv klimatskih promjena** istovremeno osiguravajući adekvatnu i održivo proizvedenu hranu za svjetsko stanovništvo. U tom pogledu, naglašavamo princip zajedničkih ali diferenciranih odgovornosti. Naglašavamo da je poljoprivreda dio rješenja problema klimatskih promjena. Odgovorni i održivi poljoprivredni pristupi doprinose **ublažavanju i prilagodbi na klimatske promjene**. Na primjer, permanentni pašnjaci, dobra obrada zemljišta, poljodjelstvo i održivo upravljanje zemljištem štite dragocjene zalihe ugljika, doprinose sekvencijalnoj znatnih količina ugljika te mogu ublažiti krčenje šuma, spriječiti degradaciju ekosistema i djelovati kao ekosistemi.

Potičemo smanjenje **ispuštanja stakleničkih plinova** iz prehrambenih sistema provedbom nacionalnih politika, što bi moglo podrazumijevati podršku proizvodnji bioenergije ili za tržište kako bi doprinijeli ispunjavanju ciljeva Pariškog sporazuma.

Kako bi omogućili poljoprivrednicima da igraju svoju ulogu u osiguranju hrane istovremeno usvajajući **održiva** rješenja za ublažavanje i prilagodbu na klimatske promjene, naglašavamo da su potrebne ekonomski izvodljive, lokalno prilagođene i društveno inkluzivne mjere.

Poboljšanje metoda održive proizvodnje

Zalažemo se za poboljšanje ugljika u **tlu**, zdravlje i bioraznolikost u tlu i plodnost tla. Primjećujemo da je potrebna dodatna potpora za Inicijativu 4 na 1000 i Globalno partnerstvo za tlo kao načina poticanja strategija poboljšanja sadržaja ugljika tla. Naglašavamo važnost obnove degradiranog zemljišta. Potrebno je po potrebi poduzimati mjere kako bi ublažili gubitke ugljika iz okruženja koja se odlikuju visokom vrijednošću ugljika, kao što su tresetišta.

Naglašavamo važnost izbjegavanja neučinkovite **upotrebe nutrijenata** te smanjenja gubitka nutrijenata na poljoprivrednim zemljištima.

Naglašavamo da je izuzetno važno sagledati klimatske promjene i gubitak bioraznolikosti na koherentan način. Priznajemo da je konverzija i održivo korištenje **bioraznolikosti** ključno za održive, produktivne i otporne prehrambene sisteme, sigurnost hrane i prehranu.

Ističemo važnost **genetskih resursa za hranu i poljoprivredu**, npr. kao izvora važnih osobina, jer su potrebne radi prilagodbe usjeva i stoke na izazove vezano za klimatske promjene. Stoga naglašavamo važnost međunarodnih mehanizama i povelja o genetskim resursima i njihove provedbe.

Priznajemo važnost **uzgojnog rada**, bolje klimatski-prilagođene sorte usjeva a bolji pristup genetskoj raznolikosti usjeva je izuzetno važan za istraživanje i uzgojni rad. U tom pogledu također naglašavamo važnost domaćih pasmina stoke i domaćih sorata kojima upravljaju

173 poljoprivrednici. Priznajemo pravo poljoprivrednika da ih koriste, upravljaju njima i čuvaju
174 ih. Potičemo banke gena kao dijela strategije osiguranja važnih zbirki sjemena.

175 Nadalje, napredak u uzgojno-seleksijskom radu, uključujući i uređivanje genoma, smatraju se
176 značajnim potencijalom, pod uvjetom da su zdravstveno ispravni za ljude, životinje i okoliš,
177 istovremeno donoseći dobrobit društvu u cjelini.

178 Naglašavamo da uzgojni rad u stočarstvu i stočarski sistemi moraju biti održiviji kako bi
179 smanjili emisije staklenički plinova i prilagodili se na klimatske promjene te tako održali i
180 poboljšali zdravlje i dobrobit životinja.

181 Ističemo da **agrošumarstvo** igra značajnu ulogu u povećanju prihoda u ruralnim područjima i
182 održivoj proizvodnji hrane, stočne hrane i vlakana te kao strategija ublažavanja i prilagodbe
183 na klimatske promjene te povećanja bioraznolikosti.

184 Borit ćemo se protiv **krčenja i degradacije šuma**. Podržavamo zajedničke aktivnosti
185 proizvođača i potrošača u cilju sprječavanja gubitka šuma i podržavamo prelazak na održive
186 lance opskrbe za poljoprivredne artikle kako bi zaštitili šume. Ističemo u ovom kontekstu
187 važnost Varšavskog okvira za REDD+.

188 Poticati ćemo politike koje idu u pravcu pozitivnih **promjena ponašanja** i povećanja
189 konkurentnosti i atraktivnosti održivih i otpornijih praksi i tehnoloških alternativa.

190 Podržavamo napore da se osigura održivo navodnjavanje, na primjer, gradnjom novih i
191 moderniziranjem postojeće **vodne** infrastrukture i sistema navodnjavanja te inovativnim
192 novim vodnim tehnologijama. Istovremeno podržavamo istraživanje proizvodnih metoda i
193 vrsta usjeva koje će smanjiti pritisak na vodne resurse.

194 **Inovacija** je ključna za održivi rast produktivnosti. Stoga podržavamo razvoj i usvajanje
195 održivih rješenja, uključujući nove tehnologije i inovativne prakse, znanje i znanost u
196 poljoprivredi u skladu sa, između ostalog, principima i kriterijima FAO-ovog okvira
197 održivosti za održivu bio-privredu. Naglašavamo potrebu za inovacijama i novim
198 tehnologijama koje će biti pristupačne, prihvatljive i za male poljoprivrednike.

Unapređenje metoda upravljanja

199 Naglašavamo važnost **sistema upravljanja rizicima** koji su prilagođeni regionalnim
200 uvjetima, prihvatljivi posebno za male poljoprivrednike i porodična gazdinstva.

201 Naglašavamo da uspjeh mjera prilagodbe u poljoprivredi ne ovisi samo o tehnološkim
202 inovacijama nego i okruženjima u smislu institucija, struktura, politika, trgovine i **investicija**
203 koje djeluju poticajno, uzimajući u obzir posebno potrebe malih poljoprivrednika. Stoga ćemo
204 stvarati uvjete koji će potaći odgovorno i održivo ulaganje i istraživanje u skladu sa
205 principima odgovornog ulaganja u poljoprivredno-prehrambene sisteme Odbora za sigurnost
206 hrane u svijetu (CFS RAI principi).

207 Naglašavamo važnost **zakupa zemljišta** i/ili **prava pristupa**. I dalje ćemo podržavati
208 Dobrovoljne smjernice za odgovorno upravljanje zakupom zemljišta, ribarstva i šuma (CFS
209 VGGT).

210 Podržavamo daljnje istraživanje i ulaganje u **digitalizaciju u poljoprivredi** kako bi povećali
211 učinkovitost korištenja resursa, omogućili djelatne globalne i lokalne lance opskrbe te
212 povećali održivost, imajući na umu potrebe malih proizvođača i važne uloge žena i omladine.

213 Pozdravljamo odluku FAO-a da bude domaćin Međunarodne platforme digitalne hrane i
214 poljoprivrede koja je pokrenuta na GFFA 2020. godine, zalažemo se za razvoj nacionalnih
215 strategija poticanja digitalizacije duž cijelog lanca proizvodnje hrane, uključujući i propise o
216 vlasništvu i upravljanju podacima.

217 Naglašavamo važnost lokalnih, regionalnih i **globalnih mreža** i angažmana u **zadrugama** i
218 **drugim kolektivnim aktivnostima**, tako da se podaci, inovacije i drugi resursi i iskustva
219 mogu dijeliti i primjenjivati, bez obzira na dob, spol ili geografski položaj.

Ka održivim lancima proizvodnje hrane

220 Prepoznavamo da su **gubici i bacanje hrane** ozbiljan globalni problem jer se otprilike trećina
221 hrane gubi ili baci. Zalažemo se za dalje podržavanje inicijativa kojima se smanjuju gubici i
222 bacanje hrane. Podržavamo integralne, sveobuhvatne i cirkularne prehrambene sisteme u tom
223 pogledu, te potičemo ponovno korištenje bio-otpada i veće korištenje alternativnih proteina za
224 hranu i stočnu hranu kako bi pronašli dugoročna rješenja.

225 Zalažemo se za poticanje **zdravih i održivih načina ishrane** kojima se smanjuju ispuštanja
226 stakleničkih plinova te koji stoga imaju direktan učinak na ublažavanje klimatskih promjena.
227 U tom pogledu, cijenimo uveliko činjenicu da je Generalna skupština UN-a 2021. godinu
228 proglasila Međunarodnom godinom voća i povrća.

229 Podržavamo tekući rad Odbora za sigurnost hrane u svijetu (CFS) na izradi Dobrovoljnih
230 smjernica za prehrambene sisteme vezano za prehranu kao i preporuke za izradu politika o
231 agroekološkim i drugim inovativnim pristupima održive poljoprivrede i prehrambenih
232 sistema.

Praćenje promjena

233 Naglašavamo važnost uspostavljanja osnova i praćenja promjene **emisija stakleničkih**
234 **plinova** iz poljoprivrede kako bi osigurali da se napredak može mjeriti. Također naglašavamo
235 potrebu praćenja stanja zemljišta, posebno sadržaja ugljika.

236 Naglašavamo važnost praćenja i razumijevanja naših nacionalnih resursa. Nestašica **vode**, loš
237 kvalitet vode, plavljenja prijetnje poljoprivredi, sigurnosti hrane i prehrani. Stoga priznajemo
238 potrebu uspostave učinkovitih sistema ranog upozoravanja na nivou zemlje, regije i svijeta
239 kako bi pratili vodne resurse i korištenje vode, posebno podzemnih voda i izvora kopnenih
240 voda. Podržavamo metode praćenja tla kao važnog i dragocjenog instrumenta praćenja rizika,
241 upravljanja istima i otpornosti, naslanjajući se tako na deklaraciju Devete berlinske
242 deklaracije ministara poljoprivrede usvojenu na GFFA 2017. godine.

Multilateralno djelovanje

243 Izuzetno cijenimo značajan rad Međuvladinog odbora za klimatske promjene (**IPCC**) te
244 posebno podržavamo Vanredni izvještaj IPCC-a o klimatskim promjenama i zemljištu.

245 Naglašavamo da se Pariški sporazum ne može opozvati i zalažemo se za njegovu punu
246 provedbu. Stoga ćemo aktivno doprinositi postizanju uspješnih rezultata na 26. zasjedanju
247 Konferencije strana potpisnica UN-ove okvirne konvencije o klimatskim promjenama
248 (UNFCCC).

Jačanje zajedničkog rada na području poljoprivrede (Koronivia Joint Work on Agriculture)

- 249 Ističemo važnost Koronivia radne grupe za poljoprivredu (COP 23) i njenih rezultata.
 250 Pozdravit ćemo odluku COP 26 koja odražava potrebu za prilagodbom na klimatske promjene
 251 i ublažavanje posljedica, i na nivou gazdinstava i kroz cijeli prehrambeni sistem te bolje
 252 konkretne aktivnosti na terenu.
- 253 Naglašavamo da zemlje trebaju provesti svaki rezultat rada grupe Koronivia i da treba biti
 254 usmjeren na **omogućavanje poljoprivrednicima** da poduzimaju aktivnosti u pravcu
 255 ublažavanja posljedica klimatskih promjena.

Prilike

- 256 Ističemo da kreatori politika nisu jedini koji imaju odgovornost. Potrebno je šire zalaganje
 257 društva da se približimo ciljevima proizvodnje dovoljnih količina hrane za cijeli svijet u dobu
 258 pandemije i klimatskih promjena. Stoga pozivamo sve relevantne sektore u sistemu
 259 proizvodnje hrane, aktere, međunarodne organizacije, organizacije poljoprivrednika,
 260 nevladine organizacije, civilno društvo, privatni sektor i akademsku zajednicu da podijele ovu
 261 odgovornost i pridruže nam se u nastojanjima. Zajedno ćemo raditi kako bi osigurali da
 262 naredni Samit o prehrambenim sistema UN-a, kroz dijalog podigne svijest o nedostacima
 263 prehrambenih sistema koje su ogolile klimatske promjene i pandemija.
- 264 Njegovat ćemo tehnološke, organizacijske, društvene i privredne **inovacije** u poljoprivrednom
 265 sektoru, posebno jačajući mreže za saradnju po pitanju istraživačkog rada i inovacija te
 266 međunarodne inicijative poput Globalne alijanse za istraživanje stakleničkih plinova u
 267 poljoprivredi (GRA) i Međunarodne inicijative za pšenicu.
- 268 Prepoznavamo važnost pomaganja svih aktera u lancima vrijednosti vezano za hranu kako bi
 269 izgradili prosperitetan, održiv i cirkularan prehrambeni sistem koji je **otporan** na pojave
 270 vezane za klimatske promjene i ekonomske šokove za buduće generacije.
- 271 Ugradit ćemo rezultate GFFA u tekuće diskusije na nivou UN-a a vezano za prehrambene
 272 sisteme a posebno u **Samit UN-a o prehrambenim sistemima 2021.** godine. Pri tome,
 273 podržavamo ciljeve samita i postizanje ciljeva održivog razvoja do 2030. godine.
- 274 Nadalje, ovaj komunikei predstavlja važan podstrek za međunarodne pregovore o klimatskim
 275 promjenama i poljoprivredi.